



Na osnovu člana 35. i 38. Zakona o budžetima FBiH (Službene novine FBiH broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25) i člana 43. Statuta Općine Bosanski Petrovac (Službeni Glasnik općine broj: 7/08), Općinski načelnik dana 31.12.2025. godine, donosi:

**ODLUKU O PRIVREMENOM FINANSIRANJU OPĆINE BOSANSKI PETROVAC
ZA PERIOD OD 01.01.2026. DO 31.03.2026. GODINE**

Član 1.

Ovom Odlukom, odobrava se privremeno finansiranje Općine Bosanski Petrovac za period od 01.01.2026. do 31.03.2026. godine.

Član 2.

Privremeno finansiranje budžetskih korisnika Jedinственог опćинског органа управе Опćине Bosanski Petrovac za period iz člana 1. ove Odluke, obavlja se srazmjerno sredstvima utrošenim u istom periodu a najviše do tromjesečnog prosjeka za prethodnu fiskalnu godinu.

Član 3.

Izuzetno od člana 2. Ove Odluke, mogu se izvršavati rashodi i izdaci iz osnova unutrašnjeg i vanjskog duga do visine stvorenih obaveza, kao i rashodi i izdaci koji se finansiraju iz uplaćenih i prenesenih pomoći, donacija i prihoda za posebne namjene prema Odlukama Općinskog načelnika na prijedlog budžetskog korisnika.

Nastavljanje višegodišnjih kapitalnih ulaganja, odnosno nastavljanje isplate sredstava za ove svrhe, dopušteno je u skladu sa uslovima privremenog finansiranja, s tim da je višegodišnje finansiranje ili ovlaštenje za buduće obaveze odobreno u prethodnim budžetima.

Član 4.

U periodu privremenog finansiranja finansiraju se isti programi, a korisnici ne smiju povećavati broj zaposlenih u odnosu na stanje na dan 31. decembar prethodne godine.

Budžetski korisnici ne mogu započeti nove ili proširene programe i aktivnosti dok se ne donese budžet.

Ostvareni prihodi i primici, te realizovani rashodi i izdaci ostvareni u periodu privremenog finansiranja uključuju se u Budžet Općine Bosanski Petrovac za 2026. godinu.

Budžet se mora donijeti najkasnije do 31. marta tekuće godine.

Ukoliko se budžet ne donese do 31. marta, nakon toga neće se izvršavati rashodi u bilo koju svrhu osim otplate duga sve dok se budžet ne donese.

Član 5.

Ova Odluka stupa na snagu danom donošenja i objavit će se u Službenom glasniku Općine Bosanski Petrovac.

Broj: 01-11-*2704-2/25*
Datum: 31.12.2025. godine

Općinski načelnik


dr. sc. Mahmut Jukić

